



Nenajavljena posjeta parlamentarnog vojnog povjerenika BiH 3. pješadijskom bataljonu 4. pješadijske brigade Oružanih snaga BiH, vodu za deminiranje vojnih objekata i I. vodu I. deminerske čete Deminerskog bataljona

Parlamentarni vojni povjerenik BiH (u daljnjem tekstu: vojni povjerenik) boravio je 21.6.2016. u nenajavljenoj posjeti 3. pješadijskom bataljonu 4. pješadijske brigade Oružanih snaga BiH, kasarna „Kosova“, Ustikolina, vodu za deminiranje vojnih objekata (Deminerski bataljon) na lokaciji kasarne „Filipovići“, te I. vodu I. deminerske čete Deminerskog bataljona na deminerskom radilištu Cvilin – Ovčija njiva.

Vojni povjerenik se prilikom posjete 3. pješadijskom bataljonu 4. pješadijske brigade Oružanih snaga BiH susreo s komandantom 3. pješadijskog bataljona i njegovim saradnicima, obišao kasarnu kao i neke objekte u sastavu kasarne.

Prilikom posjete vodu za deminiranje vojnih objekata vojni povjerenik sastao se s komandrom odjeljenja i vođom radilišta, a nakon toga razgovarao s profesionalnim vojnim licima koji vrše deminiranje na ovoj lokaciji.

Vojni povjerenik posjetio je i deminersko radilište Cvilin – Ovčija njiva gdje trenutno poslove deminiranja obavlja I. vod I. deminerske čete Deminerskog bataljona. Vojni povjerenik se na ovoj lokaciji susreo s komandrom voda i vođom radilišta i komandrom II. odjeljenja, kao i ostalim pripadnicima voda.